

**Oqaluuserisassat pillugit nassuiaat.**

(Inatsisartut Siulittaasoqarfiat)

Inatsisartunut ilaasortaq Karl Lyberth ulloq 20. april-miit sivisussussissaa naalunarutigin eqanngitsumik napparsimalluni nalunaarsimavoq, taamaattumillu Siulittaasoqarfiup Jens Immanuelsenip Karl Lyberthimut sinniisussatut ataatsimiigiaqquneqarnissaa akuerisimavaa.

Qinigaanerup Misilinneqarnissaanut Ataatsimiititaliap Jens Immanuelsenip qinigaasinnaanera akuersissutigisimavaa.

Matumuuna Jens Immanuelsenip Karl Lyberthip napparsimanerminut atatillugu sulinngiffeqarnerani sinniisussatut Inatsisartunit akuerineqarnissaa inassutigaa.

Akerliusoqarnerluni.....

Jens Immanuelsen tikilluarit, Inatsisartuni inissannut ingissinnaavutit.

Immikkoortoq 59, Umiarsuit Kalaallit Nunaata imartaata 3-sømiilinu killeqarfiata iluani aniatitamik ikuallassaammik (svovl) ima akoqassusianik killiliisumik malittarisassaqaqarnerisa pitsaaqutaannik pitsaanngequtaannillu Naalakkersuisut nassuiaateqaqqullugit Inatsisartut aalajangiiffigisassaattut siunnersuut. Nassuiaatip inuussutissarsiornermut inuunermut pisortanullu aningaasatigut avatangiisitigullu killissaritaasutigut pitsaaqutai pitsaanngequtaalu isummerfigissavai, akissuteqaatip qulequtaataa siunnersuummilu taasissutigitinniakkap imminnut naapertuutinnginnerat pissutigalugu kinguartinneqarpoq. Immikkoortoq pineqartoq ullumi ataatsimiinnermi siullermeerneqartussaagalarpoq ullorlu 22. maj aappassaaneerneqartussaagalarluni. Maanna siunnersuutigineqarpoq immikkoortoq 59 maajip aappaani siullermeerneqassasoq ullorlu 23. maj aappassaaneerneqarluni.

Siumut qinnuteqarpoq oqaluuserisassani immikkoortup 130-p, Nunatsinni “Project Money Transfer”-imik misissuinissaq anguniarlugu Naalakkersuisut Qallunaat Naalagaaffiannut saaffiginnillutik peqquneqarnissaannik Inatsisartut aalajangiiffigisassatut siunnersuutip siullermerneqarnissaata kinguartinneqarnissaanik. Immikkoortoq pineqartoq ulloq 30. april siullermerneqartussaagaluarpoq ullorlu 16. maj aappassaaneerneqartussaagaluarluni. Maanna siunnersuutigineqarpoq immikkoortoq 130 ulloq 10. maj siullermerneqassasoq ullorlu 30. maj aappassaaneerneqarluni.

Naalakkersuisut oqaluuserisassani immikkoortoq 31, Oqaatsinut politikki pillugu Inatsisartut inatsisaata allangortinneqarnissaa pillugu Inatsisartut inatsisissaannut nr. xx, xx.xxxx siunnersuut 2012-imeersoq tunuartippaat. Immikkoortoq pineqartoq ulloq 10. maj siullermerneqartussaagaluarpoq.

Immikkoortoq 61, Aatsitassanut ikummatissanullu inatsisip allangortilersaarneqarneranut atatillugu ullumikkut avatangiisit illersornissaannik Inatsisartut inatsisaanni kapitali 14-imiittumisut immikkut maalaarfiusinnaasumut malittarisassanik Naalakkersuisut siunnersuuteqaqqullugit Inatsisartut aalajangiiffigisassaattut siunnersuut ulloq 26. april siullermerneqarluni ullorlu 16. maj aappassaaneerneqartussatut inissinneqarsimagaluarpoq. Maanna siunnersusutigineqarpoq immikkoortoq 61 ulloq 10. maj siullermerneqassasoq ullorlu 30. maj aappassaaneerneqarluni.

Immikkoortoq 88, Utoqqalinermi pensionisiallit pensionisiaminnit ilanngaanneqanngikkaluarlutik saniatigut allanik isertitarisinnaasaasa marloriaatinngorlugit qaffanneqarnissaat siunertaralugu Inatsisartut peqqussutaata nr. 3, 7. maj 2007-imeersup allangortinneqarnissaanik Naalakkersuisut peqquneqarnissaat siunertaralugu Inatsisartuni aalajangiiffigisassatut siunnersuut ulloq 26. april siullermerneqarluni ullorlu 16. maj aappassaaneerneqartussatut inissinneqarimagaluarpoq. Maanna siunnersuutigineqarpoq immikkoortoq 88 ulloq 10. maj siullermerneqassasoq ullorlu 30. maj aappassaaneerneqarluni.

Kultureqarnermut, Ilinniartitaanermit, Ilisimatusarnermit Ilageeqarnermullu Ataatsimiititali-  
aq qinnuteqarpoq oqaluuserisassani immikkoortup 32-p, Inuussutissarsiutinik ilinniartitsinerit  
aamma inuussutissarsiutinik ilinniartitsinerup iluani pikkorissaanerit pillugit Inatsisartut  
inatsisaannik allanngineq pillugu Inatsisartut inatsisaat nr. xx, xx xx 2012-imeersussamut  
siunnersuutip aappassaaneerneqarnissaata kinguartinneqarnissaanik. Immikkoortoq  
pineqartoq ullumi ataatsimiinnermi aappassaaneerneqartussaagalarpoq ullorlu 8. maj pinga-  
jussaa-neerneqartussaalluni. Maanna siunnersuutigineqarpoq immikkoortoq 32 ulloq 23. maj  
aappassaaneerneqassasoq ullorlu 30. maj pingajussaaneerneqarluni.

Inatsisartunut ilaasortaq Peter Lyberth piffissami 30. april majip pingajuat ilanngullugu  
Inatsisartuni ataatsimeeqataassanngilaq.

Piffissami ullumi aprilip 30-aniit majip ulluisa pingajuat ilanngullugu Inatsisartunut ilaasortat  
Peter Lyberth, Inuit Ataqatigiit aamma Doris Jakobsen, Siumut aamma Siverth K. Heilmann,  
Atassut aamma Kaali Olsen, Inuit Ataqatigiit ulloq 30. april majip aallaqqaataa ilanngullugu  
kiisalu Naaja Nathanielsen, Inuit Ataqatigiit aamma Kim Kielsen, Siumut kiisalu ullumi ata-  
atsimiinnermi taasisarnerit pillugit isumaqatigiissuteqarput.